

SAN MARTIN

En domènia, ai 6 d'otober, vègnel tignì le De dla Jènt Atempada cun la gran mëssa dla comunité tla Ciasa de Palsa dales 9.30, ciantada dal grup de mitans "CorUsc" da San Martin. Dedò "Frühschoppen" cun liagnes blan- ces cun musiga y bal dl grup "Platleri Salvans". Düc é bel inviad da tó pert.

Les intenziuns dles mësses (10 euro por mëssa) pó gní apostades insciö:
- les domènies do la gran mëssa te calonia
- mète na coperta (cun l'intenziun y i scioldi) tla cassèta dla posta de calonia
- mené n whatsapp a Romi Crazzolara (339 71 64 521) o a Leo Crepaz (348 40 96 351)

LUNGIARÜ

En bel dilan dles ofertes fates por la dljia en gaujun dla sopoltöra de Paul Pezzei da pert de Albina Pezzei, Linert Clara y families de Ghestan.

La Uniun dles Ères da Lungiarü invièia dotes les interessades a gosté ia dal Ostf Vedl en vëndres, ai 4 d'otober, do mëssa. Cost: 20 euro por porsona. Se prenoté pón cina en lönesc ai 30 de setèmber pro Anita 329 22 39 402.

I seniors y les seniores da Lungiarü é bel inviad/des da gní indò a carté les jöbies dales 14:00 inant.

Le Sorvisc ai Jogn Val Badia mèt indò a jí les edemes de formaziun cun 4 referac tl gran salf dl Istitut Ladin a San Martin. Inviad é, sides i jogn y geni- turs, co ince insegnanc, educadus y sambègn ince düc chi che é interessá. Les serades é debann.

Mercui 02/10 - 19.30-21.00: "Imparé da imparé" cun Angelika Schuen

Jöbia 03/10 - 20.00-21.30: „Arpejun ... y sègn pa?“ cun Paul Maieron

Mertesc 08/10 - 19.00-20.30: „Kindliche Sexualität sicher und wohl-fühlend begleiten“ cun Petra Massardi

Mercui 09/10 - 19.30-21.00: „Quando il cibo diventa un'ossessione“ cun Raf- faella Vanzetta. Online sön ZOOM. Le link gnará publiché n valgügn dis dan le referat sön i profii social y la plata internet www.jogn.org.

Döt le bun a chi che complësc i agn d'otober

a S. Martin Fonjo Pedevilla che nen complësc 83 ai 15
Giovanni Trebo che nen complësc 93 ai 21
Hilda Sottara Clara che nen complësc 83 ai 22
Giovanni Planatscher che nen complësc 85 ai 24
Frida Craffonara Videsott nen complësc 85 ai 29
Martin Rives che nen complësc 90 ai 29

a Lungiarü Angela Peccei Liotto che nen complësc 87 ai 31



unitepastorala.org

Plata dles Ploanies San Martin y Lungiarü

ploan siur Klaus Sottas 344 15 54 055 - ksottas@rolmail.net
redaziun: anton.gasser@rolmail.net - 348 27 44 517 / 0474 523 194

29.09 - 06.10.24 n. 44

termo por comunicaziuns: jöbia, dales 20.00



26ª DOMÈNIA IA POR L'ANN B

Vangele do san Merch 9, 38-43.45.47-48

Te chël tèmpt ti à Jan, un di dodesc, dit a Gejù: Maester, i ùn odü, sciöch'al n'è un che parâ fora demonns te to inom; y i ùn porvè da ti al impedì, deach'al n'alda nia pro nos. Gejù ti à respognü: No ti al impide!
Degügn, che fej mirachi te mi inom, ne sciafia tan saurì da baié mal de mè. Deache chi, che n'è nia cuntra nos, é por nos.
Chël che ves dà ince mâ n gote d'ega da bëre deach'i aldís pro Crist - amen, i ves diji:
al ne gnarà nia da so paiamënt.
Chël che tira al mal un de chisc picí che creí te mè, por chël fóssel damí, sc'al gniss sciuré tl mer cun na mora da morin incèr le col.



I sun tentá da n'araté nia dèrt sce zacai operèia tl inom de Gejù y ne tol nia pert a nosta comunité.

Operé atramënter, perié atramënter, ti jí do a Gejù atramënter. Chësc oressun ion impedí.

Por secui alalungia èl tler: Chi che n'aldí nia pro la dljia catolica è dala pert falada. A Gejù ti stá plü a cör l'operé te so inom co la forma de fede te so inom. I discepuí dess s'alegré por chi che fej dl bëgn, chi che s'un tol sura di picí y debli. Deache insciö é le movimënt incèr Gejù cotan maiú y sterch co le grup de chës tan de porsones che s'arata plü daimpró a Gejù. Defrunt al numer tres mënder de chi che vá a dljia podëss chësc nes dé coraje. Magari él la cossa de Gejù che nen affascinèia deplü co ch'i nen cumpedun la domènia te dljia.

Ai se dá da fá deboriada cun nos por na miú vita por dōta la jènt y por la sconanza dla creaziun. - Y chi che n'è nia cuntra nos é por nos. *Image*

EDEMA - B	SAN MARTIN	LUNGIARÜ	SANITÉ
29.09.24 26ª DOMÈNIA - B <i>De di migranc y profugs</i> <i>Michil, Rafael, Gabriel</i>	9.30 Corona 10.00 Gran Mëssa por la Comunità vis y def. fam. Sepl y Gemma Frenes, Preroman ++ Franz y Cristina Conrater ++ Sepl y Nando Sorà	7.50 Corona 8.15 Gran Mëssa por la comunità 3ª mëssa de sopoltöra de + Paul Pezzei vis y def da Mazchel ++ Giovanni y Sabina Clara dl ann + Ida Nagler ++ Maria Dapoz y Marino Clara	<p>La doturia Grete Mahlkecht é demez dai 14 ai 18 d'otober y vëgn sostituida dal dotur Eduard Agreiter 333 13 80 852</p> <p>COMUN</p> <p>En chisc dis vëgnel indô metü sö les bënes da sciurè ite i ciüf; ares restará cina ai 30 d'otober. Al vëgn racomané da sciurè tles bënes ma ciüf, nia ince lades, fassli, bossi, peres y d'ater patüc che ne se lascia nia composté.</p> <p>PLOANIES DA SAN MARTIN Y LUNGIARÜ</p> <p>En vëndres, ai 04 d'otober, gnarál tigní na Via Lucis cun staziuns arjignades dai crejimanc. Crejimanc, geniturs, toc/totes y dõta la jënt é dër bel inviá da tó pert. Da Badia dales 18.30 sö Oies do le tru dles staziuns. Tla dlíjia da Oies gnarál pos tigní na picia reflesciun y dedò n pice renfrësch jò bas ite. Düc é bel inviá da se tó do na ciandëra cun na proteziun sot ite.</p> <p>-----</p> <p>Bel Dî etern y plëgn de bunté tö creatur y patrún de dõtes les cosses</p> <p>De cör t'abracëia mi spirit y mia anima cun dõta süa energia, tö mi amur, mia lauda, tö ornament y löm de mi cör.</p> <p>Tö m'as modelé le corp, arjigné i edli da ti ciaré al cherié, scinché les orëdles da aldí y le mans doblioses da operé.</p> <p>Ci che la tera ascogn ci che cil y mer stlúj ite y dõt ci che se möi, ci che flada, dejidra y sint, dõt chësc á cherié túa man che le porta y ti dá esistënza, vita y forza y le rovënn cun potënza y sapiënza.</p> <p>(Hrabanus Maurus + 856)</p>
30.09.24 <i>Iarone, Sofia</i> Lönesc			
01.10.24 <i>Tarejia da Lisieux</i> Dedolönesc	8.00 Mëssa en onú de S. Tarejia da Lisieux + Sepl Trebo, Pension Tor	16.00 Corona tla capela de S. Ojöp Fr.	
02.10.24 <i>Agnui Custodi</i> Dedemesaledema	18.00 Corona d'otober	7.30 Mëssa por les families dl Sanví + Sepl Clara, Sanví dedò Corona d'otober	
03.10.24 <i>Josef Mayr-Nusser</i> Jöbia			
04.10.24 Pröm vëndres <i>Francësch d'Assisi</i>	18.30 Adoraziun chîta 19.00 Mëssa por benefaturs y jënt dla Ciasa de Palsa + Paul Ferdigg	7.30 Adoraziun y confesciuns 8.00 Mëssa por familia Albert Dapoz + Vito Clara, Somví	
05.10.24 Sabeda <i>Faustina Kowalska</i>	18.00 Prozesciun söl Tru de meditaziun en onur de S. Ojöp da Oies 18.30 Mëssa prefestia de rengr. fam. Stefan Zingerle, Col + Franz Planatscher	14.00 Bato de Joele Ristori de Cesare Ristori y Elisa Marcon	
06.10.24 26ª DOMÈNIA - B Segra dl Rosare <i>Michil, Rafael, Gabriel</i>	<i>De dla Jënt Atempada dla Ciasa de Palsa</i> 9.30 Gran Mëssa tla Ciasa de Palsa ciantada dal grup de mitans "CorUsc" en onur di Agnui Custodi + Maria Pedevilla, dl ann (zelebrant: don Marco)	7.50 Corona 8.15 Gran Mëssa por la comunità + Albert Daverda ++ Castlunger y Mailänder	